

Guangjisi Minzcu Bau

ganbbau: CN45-0036 B.2014 Nd.2 Ng.19 liggaauq gyapngux nienz ndwenciengngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3111期

Bingzgoj Yen Dingh 47 Aen Giyez Guh Bineix Minzcu Mouyi Giyez

平果县确定 47 家企业为 2014 年民贸企业

1 nyied, Bingzgoj Yen roengz vwnzgen, dingh Gvangsijh Bingzgoj Nanzvaz Dangzyez Youjhan Gungh-swh daengj 47 aen giyez cauxguh, gai, ginghyingz gij doenghyiengh saujsu minzcu daegbied aeu yungh nem ngoenznaengz yungh de guh ndaw yienh minzcu mouyi giyez.

Minzcu mouyi giyez cug bi cug dingh, bineix gij seizgan dingh minzcu mouyi giyez de daj 1 nyied 1 hauh daengz 12 nyied 31 hauh.

Gij youhvei cwngcwz gvendaengz minzcu youhvei cwngcwz de dwg: Gij daigvanj minzcu mouyi giyez aeu de gihcunj liliz beiz giyez wng daemq 2.88%, gij daigvanj liliz neix mbouj ndaej daezsang, doiq gij daigvanj hawj giyez guh gisuz gaijcau de boujdiep leihsik, cienz diep leihsik youz cunghyangh nem swngj gaep caizcwng gak bouj byongh ndeu.

Ciuq cam rox, Bingzgoj Yen miz

minzcu mouyi giyez 39 aen, daengx bi daigvanj daihgaiq 6 ik maenz, yiengjsouh leihsik 1114.436 fanh maenz. Hengzguh gij youhvei cwngcwz nem bued gij cienz ngaenz neix, cungfaen yienh'ok dangj nem guekgya gvensim nem hohgyaez saujsu minzcu, hawj minzcu mouyi giyez lai miz rengz fazcanj, coicaenh Bingzgoj Yen minzcu mouyi giyez ndaej gengangh fazcanj.

(Lij Gyanghlanz)

SIUSIK DINJ

简讯

● Ndwencieng, gyoengq boux-coz youq Denhdwngj Yen Fuzsinh Yangh Fuzsingh Cunh Mbanj-banjlungz vwnzdij hozdung cungsim angq dwk binghbanghgiuz. Ciuq cam rox, gaenh song bi daeuj, aen yienh neix gungh roengz 1800 fanh maenz, youq lajmbanj guh gunghgung vwnzdij sezsih. Neix ndaej vunzlai haenhndei.

(Liengz Cwngzfuj)

● Bineix ciet gvaqcieng, Yungzsuij Myauzcuz Swciyen gungh ciepe hekyouz ndaw guek rog guek 20 lai fanh vunzbaez, saedyienh lijyouz cungjsouhaeuj 6000 fanh maenz, mizyauq dwk coicaenh nungzminz laisou.

(Lungz Linzci)

● 2 nyied 15 hauh, Nanzdanh Yen Mangzcangz Cin Bahbingz Cunh Mbanjmanzba rangh dieg de miz fanh moux va byaekyouzcai hai lo, yinx 4000 lai boux hekyouz daeuj ngonzyawj, hawj dangdieg mizgven hangznieb dem-lai souhaeuj.

(Fuz Lungzgyangz)

● Cieng cibngux gvaq le, Lingzyinz Yen Gwzyin Cungcan hai doeng gij ci hawj nungz-minzgungh ndaej cigsoh youq ranz naengh ci dauqbae guhhong. 2 nyied 16 hauh gyawj banhaemh, Lingzyinz Yen Lingzcan Yauzcuz Yangh Dauzva Cunh doenghboux Yauzcuz okbae dajgoeng de ndaej youq naj ranz dapci. Gij fuzvu neix vunzlai cungj naeuz ndei raixcaix.

(Loz Hihhaij)

● Youq gvaqcieng geizgan, Bwzswz Si gungh ciepe hekyouz 95.03 fanh vunzbaez, neix gungh souhaeuj 2.58 ik maenz, doengzbeiz demlai 25.74%. Ndawde, saek-nding lijyouz gungh ciepe hekyouz 13.39 fanh vunzbaez, doengzbeiz demlai 3.17%.

(Vuz Anhginh)

Cauhbingz: Angqyangz Nauhyied Gvaq Cieng Cibngux



昭平: 欢欣鼓舞闹元宵

2 nyied 14 hauh dwg cieng cibngux. Ngoenz de, Hocouh Si Cauhbingz Yen Coujmaj Yangh Sihbingz Cunh gyong laz yiengj goksas, dangdieg miz doenghboux canghfouxlunz canghfouxsaecij daengj cingq guh fouxlunz, fouxsaecij daengj minzsuz byaujyenj, angq coux cieng cibngux, yinx haujlai vunz daeuj ngonzyawj. Ndaw doz dwg doenghboux canghfouxsaecij cingq diuq foux saecij.

(Liuz Feih ingj)

Nazboh Yen Cwngzsiengh Cin Aeu Daegsaek Dajndaem Daj-ciengx Hanghmoeg Hawj Saujsu Minzcu Nungzminz Laisou

那坡县城厢镇以特色种养项目促进少数民族农民增收

Gaenh bi daeuj, Nazboh Yen Cwngzsiengh Cin daihlig fazcanj buek daegsaek youhsi nungzyez canjyez hanghmoeg he, doenggvaq gveihva dazyinx, cwngcwz cihciz, lungzdaeuz daiqdoengh daengj banhfap, gyavaig hawj conzdungj nungzyez bienq yienhdaih nungzyez, hawj daegsaek dajndaem dajciengx baenz diuz roen moq hawj saujsu nungzminz laisou haenx.

Miz hawciengz couh miz yauyiz ndei, Cwngzsiengh Cin fazcanj daegsaek nungzyez canjyez aeu hawciengz guh fuengyiengq, daihlig saedhengz "it mbanj it yiengh" canloz, ciuq dieg laebguh le "makdauz hoengz,

vagimngaenz, mbawien, faexcuk, mouseng, gaeqndaem, cwzndei" daengj cujdauj nungzyez canjyez, caemhcai yinxhaeuj makleiz, gaeq-hojgih daengj canjyez hanghmoeg moq. Aen cin neix youhva canjyez gezgou, vanzlij ciuq aen mozsi "gunghswh + hezvei + nungzhoh" neix, youq daigvanj, gisuz bangcoengh daengj fuengmienh dingh le buek youhvei cwngcwz ndeu, daihlig bangfuz lungzdaeuz giyez fazcanj, youz lungzdaeuz giyez camgya gak canjyez hezvei guenleix, caiq youz gij canjyez hezvei neix dungjyiz cijdauj nungzhoh guh hong gisuz nem gaicawx, coicaenh daengx cin daegsaek dajndaem daj-

ciengx bienqbaenz le gij dijihi cug caengz guenleix ndei.

Ciuq cam rox, dangqnaj, daengx cin fazcanj nungzyez lungzdaeuz giyez 2 aen, gak loih daegsaek dajndaem dajciengx canjyez hezvei 15 aen, daengx cin makdauz hoengz, vagimngaenz, mbawien, faexcuk, makleiz, cazyouz daengj daegsaek dajndaem menciz dabdaengz 1.5 fanh moux, daegsaek dajciengx nungzhoh dabdaengz 0.5 fanh hoh. Bi'gvaq dan buenq bi gonq, daegsaek dajndaem daj-ciengx cungcanjciz mauhgvaq 1.1 ik maenz, bingzyaenz moix boux demhaeuj 2200 lai maenz.

(Guj Haijcouh)